

墨  
綠  
彙  
觀

明

宋克書杜工部桺木爲秋風所拔

卷

白宋紙本高一尺一寸長一丈一尺三寸草書字大寸半至四五寸者體法一變脫盡元人風氣後自題老杜桺木爲秋風所拔歎東吳宋克書本文紙後孫贊一跋字大一寸及三四寸者書亦蒼勁後有徐誌曹瑩二跋兩得來書帖

深牙色紙本行楷書十四行宗鍾太傅兼用章草法行筆清勁明初如高季迪徐幼文方希直諸公書類之前

書宋克啟兩得來書備悉勤懇使者不復再至失於裁  
答非慢也後書宋克頓首再拜下押宋克白文印末二  
行續書蒙索小楷不有清興未能奉命後多作數紙請  
教矣

王彥強臨樂毅論

白宋紙本烏絲界闌楷書二十八行出規入矩深得其  
旨後押朱文立中父仲齋之印

危素陳氏方寸樓記

白紙本烏絲隔闌正書四十四行爲四明陳貴白爲記

者書法虞永興首書陳氏方寸樓記欸書臨川危素記  
後押危素白文印太僕朱文長印

周砥與雲林詩簡帖

白紙本行書共十二行法蘇文忠甚佳前書奉送叔方  
先生之筮澤兼簡雲林居士一咲吳人周砥再拜後書  
七律一首末四行書歲將盡矣不得奉陪一游聊寫此  
爲別雲林丰度昔昔在夢春初別圖往拜耳會間道此  
砥十二月十日帖有王氏柳氏等印

宋廣草書李太白五言詩

牙色研花宋箋本長條幅草書天若不愛酒五言一首  
行筆清勁字大寸半共五行欸書昌裔爲彥中書押有  
朱文之赤等印

宋璩端肅書

元淡黃紙本行書十二行不失家學字大五六分及寸  
許者不等前書璩端肅奉覆岳翁尊前後書璩拜覆岳  
翁大人尊前

鮮縉草書自作雜詩卷

白紙本高一尺長一丈三尺九寸草書自作雜詩七首

書法精妙字大寸餘至六七寸者詩後自題此余近日所作數詩皆率爾而成今又率爾書之雖然未嘗敢棄古自爲也中間複筆覆筆返筆之妙付有識者自辨之永樂庚寅五月二十三日夜京城寓舍書與禎期縉紳後有王穉登一跋

王紱叔訓帖

元黃箋本行草書二十一行書法流麗紙墨皆佳前書孟端再拜奉覆叔訓有道先生文几後書七月廿日孟端再拜帖首押孟端白文印下押朱之亦鑒賞第一希

有二朱文印

沈度鏞翁大叅帖

牙色本行草書共十一行筆法清勁體勢飄逸外封首  
書書奉鏞翁大叅鄉兄閣下沈度固完度字上押白文  
沈度私印前書前者恪來具領雅意向索眞字今寫西  
銘一通坐右銘一通奉去殊愧陋劣後書十二月廿四  
日友生度奉鏞翁大叅鄉兄閣下

黃淮進朝帖

白紙本行書共十九行有松雪遺風前書僕拙疾稍平

已於初二日進朝適在東里先生坐間得觀和章方知  
騎從尙留通津輒用韻成鄙語專人持上奉候起居並  
致官酒盃肩以助高興勿謂輕瀆也後書五律一首款  
友生黃淮頓首末六行書家父求壽藏休徵記已承慨  
允客窻閑靜乞爰筆一揮歲底遣人請領擬附朝京官  
帶回刻石以遂老親之心不勝至幸節行卷如得併成  
之更妙淮再頓拜

李東陽書種竹諸詩卷

白鏡面箋本高八寸長二丈餘正行草篆四體書自作



種竹各體詩十四首正行草書皆法顏平原後自題張  
甥屢爲移竹助我園居之興爲書往歲諸詩以見種竹  
之難如此後數首乃得竹時所作凡有關於竹者皆附  
焉甥娶于吾之從女而吾弟不及見故題曰竹林餘興  
蓋諸子兆延嘗爲連成之也正德丙子二月八日西涯  
翁識前有長沙朱文小長印後押寶之七十一峰深處  
二朱文印本詩紙尾有宏儲一跋字亦不俗

吳寬書東坡詞卷

白紙本行書蘇文忠公浣溪沙五首共三十一行書法

亦學蘇文忠前書蘇題十二月二日雨後微雪太守徐  
公君猷攜酒見過坐上作浣溪沙三首明日酒醒雪大  
作復作兩首詞後欸題偶閱東坡詞錄一過匏翁前押  
延陵朱文長印後押太史氏朱文印玉延亭主人白文  
印

生子帖

白紙本行草書二十一行前書前月得手書知去歲冬  
有生子之喜爲之欣慰無已後書實拜全卿侍御至契  
友案下

劉珏玉田帖

白紙本行書十六行書法有松雪餘潤前書仰間承見  
示范寬秋山圖觀其石潤林深筆力蒼老縱橫滿幅真  
有古意後書珏端復玉田賢親待聘押有錙氏廷美朱  
文印

姚綬書自作詠物詩冊

淡黃紙本烏絲界闌行草書自作詠物七言律詩二十  
二首書法清勁前押姚字圓印詩後自題山人受用清  
福無過霜瓦竹屋而雪燈清冷紙帳高寒蟹杯之挈我

醉鄉鶴爐之坐人香國又霜瓦竹屋中必不可少之供  
具也老年消日借此實多各賦七言用彰嘉績至如鐵  
笛兔臺最助吟興落花柳絮時動禪情爰將同賦者亦  
古人賦月賦嘯之意也凡得二十二章時成化庚子十  
月望後二日雲東懶仙綬識後押朱文姚字圓印白文  
公綬印冊內公綬印記繁多未及全錄

沈周遊虎邱各體詩卷

白紙本高八寸五分長一丈二尺三寸行書遊虎邱諸  
作十七首書法黃山谷後欵弘治癸丑歲沈周錄下押

沈氏啓南朱文印

少宰帖

白紙本行書共二十六行前書周再拜上記少宰大人  
先生閣下奉違越歲無便曠問惟是懸切而已後書梅  
花道人竹石一軸署布一疋聊伴空緘周又拜下押啓  
南朱文印

金琮別久帖

淡黃紙本行草書十七行字類張伯雨前書久別不勝  
企仰屢辱詩翰見惠故舊之情溢於言表鄉人之便輒

詢動履清嘉深用爲慰後書友弟金琮再拜民望鄉尊  
先生閣下

祝允明臨黃庭經冊

白紙本烏絲界闌楷書共五十九行首書黃庭經前押  
枝指生小長印後款章草書正德庚午八月二日雨窗  
孤坐戲臨一過枝山祝允明下押枝山白文印長小印  
祝希喆白文印  
書米元章論書卷

白紙本高八寸餘長一丈三尺草書大五分及寸餘者

書法米南前書米南宮論書後自題允明雅嗜古法書  
僅以六藝中博其一耳世乃有以善書名我我豈敢當  
故上人幼公亦有志我志而來謁諄諄余無以應且書  
法米南宮論之詳矣故以其所評者書以俟其自得云  
時正德丙子秋八月生明日也後押祝印允明白文印  
晞哲朱文印後有馮涿鹿一跋卷經雖陽袁氏收藏

正書子正子瑩中字訓帖

白紙本烏絲隔闌正書二十五行法顏平原字大四分  
祝書至精者前書子黃子瑩中字訓款書吳國祝允明

下押允明希哲生二朱文印帖有朱臥菴寶祝堂等印  
唐寅若容帖

白紙本行草書二十三行字大五分餘深得李北海遺  
意前書寅頓首頓首若容老兄翰學省示知浮休遷化  
欲往哭之事冗不克遂懷也後書即日寅頓首頓首若  
容老兄翰學

文徵明四體千字文卷

藏經紙本前真書本烏絲界闌首書千字文下角有玉  
蘭堂白文印文後款書嘉靖戊申歲春二月廿又七日



徵明書下押徵明朱文連珠印又徵仲白文印次草書  
本烏絲界行首書千字文下角有文仲子白文印文後  
款書嘉靖戊申夏四月十有八日徵明書下押徵明停  
雲二白文印次隸書本烏絲隔闌首書千字文下角有  
白文悟言室印文後款書嘉靖己酉冬十月七日書徵  
明下押徵明白文長印又徵仲父朱文印後篆書本烏  
絲隔闌首書千字文下角有停雲生白文印文後款書  
嘉靖辛亥歲上元前二日徵明篆于停雲館下押徵仲  
白文長印文印徵明白文印後紙自書二跋陳道復一